

天府廣記

天府廣紀卷之三十二

五軍都督府

五軍都督府在皇城之西皆東向初置統軍大元帥府後改樞密院又改為大都府秩正一品設左右都督都督同知都督僉事等官洪武十三年始分中左右前後五軍都督府各府都督初間以公侯伯為之參以軍國大事後率以公侯伯署府事同知僉事則參贊軍事永樂元年建行都督府於北京後仍分五府稱行在某都督府十八年定都北京除行在字在應天者稱南京某府洪熙元年復稱行在宣德三年革行都督府正統六

年復建五府其職分領都司衛所凡有征勦掛將軍印以任事  
定回府凡武職襲替及誥敕旗役併繕水陸步騎操練俸糧屯  
種器械舟車賞賜聲息軍情清勾替補邊腹畫圖貼說薪炭荆  
薪之事分移所司綜理之

大都督府因樞密院而改建之者也樞密院之職實古太尉  
大司馬諸將軍而其名則循唐宦官之舊五季托肺腑其權  
寄宰相上宋顯兵政稍與宰相次而號兩府然皆縉紳大夫  
為之至元而用其國人與漢人之以武功顯者第往往參互  
一二縉紳以贊其摹畫至明興而截然武弁蔽矣明高帝之  
下集慶置中書省即置行樞密院而自領之功臣宿將得序

遷為同知食院同食判官其品秩皆仍元舊至四年辛丑之三月始改置大都督有拜皇姪文正為大都督節制中外諸軍尋增置左右都督同知副使食事官以中書叅議李善長兼司馬宋思顏為叅軍經歷都事皆極一時之選而同知食院之在軍行者尚仍其故不改吳元年甲辰正月即王位定大都督從一品左右都督正二品同知從二品副使正三品食事從三品尋大都督坐罪廢罷不設以左右都督為長官十月進階俱正一品同知從一品副使從二品食事從三品三年革副使陞食事正二品凡天下將士兵馬大數陸續遷除與征討進止機宜皆屬之十三年分大都督為五軍都督

周見若以爲品秩如其故者而兵部陰移之其權漸分矣至  
永樂而盡歸之兵部所謂五都督者不過守空名與虛數而  
已其左右都督以下至同知皆以加邊將之有功署其僉事  
以待叙遷者而掌印僉書之類必以屬公侯伯間有屬老將  
之賢爲都督者不能什一也

封建古制也而莫詳於周周之天下僅稱王而其下爲公侯  
伯子男不能子男者爲附庸其命則自九而至五其別則有  
同姓有異姓而其封則以功德不以親疎秦始并天下創尊  
爲皇帝廢封建公族無寸尺之土而猶存侯爵爲三等以待  
有功者列侯則如武城通城之類倫侯則如建城武信之類

皆有邑名而不稱國下者則關中侯有封食而無邑名然皆金印紫綬而列侯倫侯至位丞相上丞相之尊重者莫如李斯九卿之見幸有大功者莫如蒙恬兄弟而皆不得沾其煥貴可略推已漢高竒達裂天下以王諸子弟及大功臣而其次則因秦之舊為徹侯亦有關內侯凡二等第功臣之為王雖非其意至白馬之誓而獨侯國存武帝狹海宇鞭誅四夷不受通侯之印以待有功者即功雖微細或見錄天下之壤地不能俟而國用則益侈于是苛為之禁以伺其過即微細亦見削而高帝身與共創業之臣所餘無幾拜封日下而侯國不日益漢地不小損自武帝而後拜封之與削亦漸寡而

終東西二京其制畧相彷彿中間雖有呂氏之擅王與新莽之盜為公未幾輒罷自魏氏之末司馬擅制始復為五等曰郡縣公侯伯曰縣子曰縣男皆得稱開國金印紫綬而開山侯有不開國者額及居子男下晉氏以至齊梁陳皆因之若北魏之與北齊皆崇設王爵以待勲舊而其更有功者則別封郡公侯一人而擔三四爵然同姓異姓皆不得為國王而郡縣公侯益卑矣後周宇文泰辭安定王遂以安定公終其身而其子篡魏進封功臣晉趙等氏國然皆稱公而不王隋氏因之至唐而始足以子弟為親王正一品其稍陳而有功者為郡王功臣之有功者為國公皆從一品郡公以至侯伯

子男則遞降焉如趙無忌梁玄齡之類皆得世襲而它以恩賜者或世與否自安祿山之為東平王遂燬周例而踰之然中興以後王公之格益輕至有佩橐鞬捧酒炙而趨走於節度之庭者而封亦不復世矣宋興復唐之初制以宗室之懿叙封王爵而其疎者與文武大臣自國公而下至子男往往以郊恩遞進徒以微其名而已戶不得言祿爵不得言世然猶斤斤守其靳焉自蔡京之公兩國而公制紊矣童貫之為王而王制隳矣南渡以後所謂王者遂冒于宰執如檜如佖曹如彌遠矣元承遼金之後王爵尤易即將相非熟德可以一嚙笑而得之獨漢人至國公而止明高帝下建業草創未



遼吳元年始拜功臣李善長徐達常遇春為國公而其他功臣之死勤事封疆者有國郡公侯伯子男之贈然往往一同元舊洪武三年始大啓封建皇帝之子為親王親王之從庶子為郡王而功臣則公侯伯三等有世襲有流爵罷子男不置公侯位正一品上伯位正二品上朝服進賢冠加籠巾貂蟬世襲者領鉄券流爵則否當是時封伯者僅二人忠勤之祿僅當侯三之一誠意至不能當六之一而其輕可知矣十年以後封東莞敝先祿遂與侯等至永樂初而始定居侯之下正一品之上其階黜皆與侯等而伯益重矣凡公侯伯之任入則掌叅五府總六軍出則領將軍印為大帥督留都莞

鑄輶治漕綱獨不得預九卿事

五軍都督府總天下之戎政因體其存其所闕者甚大明初  
勲臣俱克恭遊後止克西廣湖廣漕運三總兵又次第革而  
惟戎政五府屬焉五府食書猶有以都督克者至掌印則必  
勲臣嘉靖八年令五府掌印官都督有才望者一體推用終  
不能行都督有三等曰左右都督曰都督同知曰都督僉事  
是為世官副都督則流官也

初制總兵無專官有事命將事已即歸後因邊境事多殘留  
鎮守然或地方小警調兵勦殺非奉止命者即有功亦不稱  
提其數聞而已

明初在外兵馬盡是屯軍指揮千百戶管領而盡屬都司提調其制各都司掌印僉書等官俱本處有相應官聽各鎮巡官保舉兵部擬議具奏本處無官兵部查訪中外相應官員兼用極重其選

衛所之制洪武中設錦衣等上十二衛以衛宮禁留守等四十八衛以衛京城上十二衛為親軍指揮使司番直宿衛不隸於都督府永樂中設五府各衛於北京改前北平三衛為金吾左右衛為羽林前衛改北平都司為燕山左右衛為大興左衛為濟陽通州衛是為上十衛與驍驍左右衛武驍左右衛四衛亦得名親軍其武功中左右衛以匠役隸工部其

天下屯牛二十五萬五千六百六十四隻宣德以後各處衛  
分牛隻數目俱由五軍都督府照會工部立案備照倒死者  
着令買補孳生老查勘明白年終依例造冊奏送該府轉行  
工部知會工部設屯田司以司其事

萬曆年間給事中郝敬疏 臣檢閱章奏濟陽衛舍餘李大  
用等一本奏為不費官錢情願効力以報恩養事大畧稱畿  
輔附近濟陽等衛屯牧額兵共四十八萬頭以萬人隨行征倭  
衆軍自貼糧餉情辭踴躍臣心疑之夫以征戍遠役不召而  
自赴又不費官餉裹糧從役必非人情乃徑瀆天聽豈好事  
欺罔若此旋訪其故粵自永樂年間我成祖文皇帝靖難功

成剝精兵四十八萬內將一十二萬選八十二團營餘三十  
六萬給賜屯田牧地種納籽粒馬價分置七十八衛於順天  
府所屬各州縣地方安插俱屬三千營統轄聽調征勦今二  
百餘年生齒繁衍游手坐食與民混雜有司派以馬戶撐船  
運米等役衆軍以馬戶運米應屬民產脫卸無計昨者寧夏  
之役各餘丁議自恪賴隨行征勦求免前差未幾寧夏平議  
遂獲二十五年倭奴告警李大用等重復申奏蓋彼以三十  
六萬之衆止出萬人是三十六人中抽一丁耳以三十六萬  
衆共餉萬人是三十六家共贖一軍耳又得槩免民差聞此  
便利汲汲上請擬臣所聞大畧如此此情若果何憚而不從

今求征師老矣可勿復用此惟是遼左空虛枝梧無策合無  
因群情為轉移之計令該部會同新撫臣李植呼大用等面  
詰前情果無別項違碍即於各衛原籍中務要每十名抽一  
名據三十六萬原數除六萬作耗外尚可得壯丁三萬人擇  
令廉幹將領官數員統領前赴遼東住扎開種屯田於存留  
三十萬中每十名幫貼屯兵一名牛種廬舍之費行令所在  
有司一槩免其前項馬戶撐船民差開墾田成即給本兵為  
永業自耕自餉彼無征徭險遠之苦又受田管業愈欣然樂  
從之恐後矣大率每兵一名約墾田二十五畝內除五畝為  
官田每畝量收子粒五六升則此三萬人可墾田七十五萬

詔一歲收官田子粒可八十餘石以備緩急之需至於盡地  
經野之法悉聽該巡撫司道官布置考其成功臣嘗見經略  
標下有王崇聖者條陳沿邊井田圖式又有陳伯樸者言遼  
東墾田之利皆鑿可行語云狂夫之言聖人擇焉若其可  
用便當依仿為之不可以人廢言也但各衛兵籍廢壞已久  
清覈湏嚴及有餘丁規避民差依投勢豪者清查簡舉此一  
庶幹兵脩官之力不費帑藏不煩轉輸不勞徵調因其願赴  
之人心蠲其不急之徭役一呼而得勝兵三萬坐收兵食兩  
利之效脩門庭之警扶肘腋之危何憚而久不為此按明初  
宿重兵於畿輔至四五十萬不費一粒一芻及中葉而後猶

有萬人自脩糧糗願効力行間者後何不振乃爾耶昔人言祖宗之法惟祖宗能行之豈不信然

崇禎六年四月五軍都督府成國公朱純臣疏言本府所轄十七衛除無地三衛外其有屯及丁者十四衛內又除守陵三衛實在十一衛也總地而言則二千六百頃有零總丁查則五千九百名向來正丁遇事則聽調發無事則隨京營并各衛門操差未常有優游畝畝者所有餘丁種此屯田每年額納豆糧二千七百石有零銀三千四百兩有零至今或以屯地而指民村或以校民而詭軍戶因循日久茫無可詢如考本府所轄二百四十餘屯近止清百餘屯矣如謂屯丁何



止數萬人今丁不滿六千約每屯僅五十餘丁矣此會同撫按公同有司查勘各有清冊可按今曰數萬本府不得而知也間有餘丁未免老弱強半若此輩分布吊遠居止可保鄉曲若使之操戈執盾恐亦人人不得為聚糧也夫崇禎去萬曆幾何時而屯軍衰頹如此況萬曆已大非初制景象矣故視屯政之虛費而明之盛衰隨之在昔唐之府兵亦然古今同轍也

附記

洪武二十二年兵部五軍府官奉旨衛所官員不肯教兒子方馬如今但有學唱的割了舌頭下棋打雙陸的斷了手腕

圓的卸了脚做賣買的發邊達克軍已而府軍左衛千戶虞讓男虞端吹簫唱曲將上唇連鼻尖割了龍江衛指揮伏願與十旗姚晏保蹴圓卸了右脚當時禁制極嚴故一時將帥皆出其中而無世胄統禔之氣後法禁弛而應襲舍人驕情成性實稱乏才宣德五年正統八年成化八年始令天下保舉有謀勇者用之天順八年開武舉成化四年弘治十七等年各有恭定條例然所取甚少止取二名七名至十五名三十餘名及嘉靖後非武舉不得陞調於是世胄擁為虛器而功臣之澤斬矣

### 襲替之制

大小武官亡沒悉令嫡長子孫襲職有故則次嫡承襲無次嫡則庶長子孫無庶長子孫則弟姪應繼者襲其職如無應繼弟姪而有妻女家屬者則以本官之俸月給之其應襲職者必試以騎射之藝如年幼則優以半俸歿于王事者給全俸俟長襲職著為令

舊制軍職比試初試再試不中者止許支半俸三試不中者發充軍另選戶丁襲替人幼年襲替年及二十當赴京比試若違限三年以上者停例俸二年半二年或一年以上者遞減有差弘治十二年兵部添邠州衛襲職舍人王鳳等久不赴京比試照違限三年以上例行加停俸半年

## 偏軍教練

洪武六年正月定教練軍士衛凡各衛所將士務以時練習  
武藝騎卒必善馳馬射管及鎗刀步兵必善弓弩及鎗凡射  
每一人以十二箭為則內六箭遠可到近可中者為試中遠  
可到將士以一百六十步軍士以一百二十步近可中以五  
十步凡射弩每一人用十二箭內五箭遠可到蹶張以八十  
步划車以一百五十步近可中蹶張以四十步划車以六十  
步凡用鎗以進退習熟為試中凡在京衛所每一衛以五千  
人為則內取一千人令所管指揮千百戶總小旗率赴御前  
試驗餘以次更番演試周而復始在外各都司衛所每一衛

於五千人內取一千人令所管千百戶總小旗率赴京師御  
前試驗畢日廻衛餘以次赴京周而復始其所試軍士如騎  
卒馬上便熟善射及鎗刀步軍善弓弩及鎗三事俱能者所  
管指揮千百戶總小旗各以其能授賞不中者降罰軍士中  
者授賞不中者亦給錢六百焉道里費各衛指揮所管軍士  
一千人內三百人至四百人下中者停俸四月四百人至五  
百人不中者停俸半年五百人至六百人不中者停俸十月  
六百人至七百人不中者停俸一年七百人以上不中者指  
揮使降同知同知降僉事僉事降千戶千戶所管軍士一千  
人試驗俱中者各以其能授賞不中者降罰二百人至四百

人不中者停俸半年四百人不中者停俸一年六百人以上不中者降百戶百戶所管軍士一百人試驗供中者各以其能授賞不中者降罰二十人至四十人不中者停俸半年四十人至六十人不中者停俸一年六十人以上不中者降克總旗總旗小旗所管軍士試中者各以其能授賞不中者總旗所管五十人內二十五人不中者小旗所管十人內五人以上不中者皆降為軍在京衛所發廣西南寧郴州守禦在外衛所北方者發極南煙瘴地方守禦南方者發迤北極邊地方守禦凡各都指揮使務在時察提督所轄衛所整齊將士操練習熟或怠惰失於提督致所轄衛所軍士

赴京試驗不中者以所試軍士十分為則四分以上不中者停俸一年六分以上不中者罷都指揮職仍命刊印領給內外衛所遵守

二十一年二月分天下各都司衛所軍為十班本年八月令輪赴京師較藝仍先下操練法遵行之

### 考校樣田

永樂二年十一月以各處屯田肥瘠不同所獲亦異常命各都司摘差官軍給與牛具種子耕種間田視其歲收之數為例考較謂之樣田既而山西太原左衛千戶陳淮率軍士來奏所種樣田除足各軍歲外之用每軍俱有餘糧二十三石

於是上命戶部詳定賞例餘糧三十石之上者賞鈔六錠二十五石者五錠二十石者四錠十五石者三錠十四石以下不賞其太原左衛種樣田者每軍准二十石之上例賞之及淮等陞辭加賜鈔六十錠衣一襲彩幣表裏各一軍賜鈔五錠絹二疋布二疋衣鞋各一仍各賜鈔二十錠為道里費除官收正糧及種子外餘糧悉與自用

### 衛所更調

正統三年五月命兵部曰今後該調衛官員南京及江南直隸俱調北京附近衛所北京直隸并江北直隸山東俱調山海宣府等衛所山西河南俱調大同延安綏德等衛所陝西



調甘肅寧夏衛所浙江江西調福建廣東衛所湖廣調貴州  
四川衛所福建調廣東廣東調廣西四川調雲南雲南廣西  
調貴州俱注於沿邊衛所著為令

### 武臣子弟受學

洪武十年八月命大都督府官選武臣子弟入國子監學讀  
書諭之曰朕定天下以功臣世祿其子弟長於富貴及以父  
兄早歿鮮知學問宜令讀書古今識道理俟有成立然後命  
官庶幾得其實用也昔霍光功非不高身死不久而子孫橫  
肆卒至夷滅者不學故也郭子儀中興唐室功蓋天下位極  
人臣而心嘗謙退保全令名而福及後嗣者識道理也今武

臣子弟但知習武事特患在不知學耳

二十八年正月置陝西行都指揮使司儒學設官如府學之制後各衛以次皆設

## 錦衣衛

錦衣衛在皇城西通政司南本儀鑾司初設拱衛司領校尉隸都督府洪武二年定為親軍都尉府統中左右前後五衛軍士而儀鑾司隸焉十五年罷府及司置錦衣衛統軍與諸衛同所屬有南北鎮撫司十四所隸又有將軍力士校尉人等其職掌直駕侍衛巡察捕緝等事恩功寄祿無常員恒以都指揮都督統之永樂定都以後照例開設雖職事仍舊而任遇漸加視諸衛獨重焉

錦衣衛與在京諸衛即唐人十六衛之遺制凡諸衛親軍皆以番直宿衛執戈戟嚴巡警監門禁而錦衣所掌者乃鹵簿

義仗之事旗手所司者乃旗纛金鼓之物諸衛皆統軍卒而錦衣獨領校尉力士即周之虎賁旅賁也諸軍皆世卒而府軍獨簽幼軍即漢之六郡良家子也諸衛正倅一惟其世獨錦衣之任則不必世而以能蓋御座則夾陛而立御輦則扶轅以行出警而入蹕承旨而傳宣皆在所司而詔獄所寄則又重矣又按錦衣衛本國初儀鑾司後定為親軍都督府而司隸焉十五年罷府及司置錦衣親軍指揮使司鎮撫司理衛中刑名如列衛而兼簡軍匠所謂南鎮撫司也北鎮撫司本派設專理詔獄成化十四年始給印分司得直達上下法司覆提領衛事者恒以都指揮都督或恩功或寄祿掌侍衛

之事凡將軍力士校尉分番護駕直宿巡察凡大朝常駕出入督設鹵簿儀仗凡皇城四門日夜番直巡警之凡盜賊奸宄街塗溝渠竊緝而時省之凡奉旨鞠獄錄囚事與三司從事凡比試監焉

錦衣典親軍其後寄以調察之柄體勢日重然本非尊官也故雖紀綱門達達杲之寵竒橫肆然綱達不過都指揮僉事杲僅指揮同知而已袁彬自都指揮出僉都府方晉橫王正德初指揮高得材緣從父鳳柄司禮傳陞右都督終以非例於五府帶俸錢寧繼踵此官雖貴盛之極而意猶歎之請以都指揮理事下兵部議曲為諛解遂成不疑沿流至於朱陸

極矣今考太保兼少傅者一人陸柄太保兼太子太傅一人  
朱希孝太子太傅一人劉守有左都督一人錢寧右都督一  
人陳寅都督同知一人余蔭已上皆掌衛督行事官校者也  
右都督一人錢安都督同知三人袁天章孫鉦楊俊卿以上  
同掌衛督捕者也其它恩蔭管事左右都督如麥祥高恕黃  
浦之類不可勝紀矣

天順成化及弘治初年錦衣指揮門達袁斌朱驥等提督緝  
捕每至十年或十一年方一類奏下兵部議定陞者不過  
五七人多止十人賞或以布絹鈔錠無功者撻而斥之已而  
有挈獲妖言陞襲一輩之例於是人競貪功肆行羅織

洪武二十年正月焚錦衣衛刑具先是天下官民有犯者俱命屬法司其有重罪逮至京者或令收繫錦衣衛審實情詞用事者因以非法凌虐上聞之怒命焚之

崇禎十一年六月諭提督東司房吳孟明今年火星逆度兩次為災猛烈慘酷深可驚悼夫刑罰所以誅不仁緝訪惟欲得真事苟或誤加善良飾虛為實大犯命官之戒必干天地之和近來人情作奸者固多仇詐者亦不少今後凡有首報事件旗番止許拘人或爾親審叮嚀刑官虛公查實真者據實奏嚴誣者即時開釋仍將首報之人及坐示戒不許徑自拿人私行拷打彼卑官小卒以衙門為活計惟知嗜利鮮有

良心是以有錢者賣放無錢者方來呈稟所以真者已不勝  
至狼狽若誣者即使放去亦人傷財盡矣甚至張冠李戴增  
少為多或以禁暗處或若打屈服砌成可惡情狀令人一見  
輒怒此時全憑爾心腹大臣以清嚴作標虛公為準固不可  
避怨縱奸決不可疏忽偏聽若事果偶誤縱獄成本上仍應  
簡舉改正若別衙門偶有平反亦虛心聽之舊例事多平反  
原問衙門無罪不必堅持初入之言偏執已見到底護短遂  
非輕視人命非惟有孤任使抑且自損陰功然亦不許因此  
推諉滋曠溺職戒之戒之時諭

按錦衣衛堂上官每駕出則戎裝帶綉春刀扈從綉春刀極



小然非上賜則不敢佩也其校尉皆衣只遜其名仍元舊也  
元史云國師法王至假法駕半仗以爲前導詔省府臺院官  
以及百司庶府兼服銀鼠質孫此元人禮服後乃爲下役之  
服。

緝事番役在唐稱爲不良人有不良師主之即漢之大誰何  
也立名甚奇

### 京衛

旗手衛在通政司後

府軍衛在時雍坊

府軍左衛在保大坊

府軍右衛在咸宜坊

府軍前衛在保大坊

府軍後衛在仁壽坊

羽林左衛在保大坊

羽林右衛在時明坊

羽林前衛在時雍坊

金吾左衛在保大坊

金吾右衛在仁壽坊

金吾前衛 金吾後衛

虎賁左衛

已上三衛俱在保大

坊

燕山左衛在安富坊

燕山右衛在思城坊

燕山前衛在鳴玉坊

大興左衛在日照坊

濟陽衛在居賢坊

濟州衛在金城坊

武驤左衛 武驤右衛 騰驤左衛 騰驤右衛

以上四衛俱在崇教坊

彭城衛在萬寶坊

永清左衛在西城坊

永清右衛在日中坊

武功左衛 武功右衛 武功中衛 已上三衛俱在明時

坊

外衛

通州衛在通州治南洪武三十五年建隸兵部

興州中屯衛在良鄉縣治東永樂四年建

密雲中衛在密雲縣治東洪武四年建

密雲後衛在密雲縣東北一百二十里洪武十一年為守禦

千戶所三十年改令衛

通州左衛在通州東南

通州右衛在通州治東南俱永樂間添設

神武中衛在通州治南洪武三十三年添設

定邊衛在通州治西南洪武三十五年添設

興州後屯衛在三河縣治西永樂二年建

武清衛在武清縣治東永樂四年建

涿鹿衛在涿州治西北永樂七年建

涿鹿左衛在涿州治西永樂八年建

涿鹿中衛在涿鹿左衛西永樂十一年建

薊州衛在薊州治東北洪武八年建

鎮朔衛在薊州衛西永樂間建

遵化衛在遵化縣治南洪武十年建

東勝右衛在遵化縣西永樂元年建

忠義中衛在遵化縣治東南永樂元年建

興州前屯衛在豐潤縣治西永樂二年建

興州左屯衛在玉田縣治東南一百四十里洪武三十三年

建已上屬後軍都督府

營州前屯衛在香河縣治東永樂元年建

營州後屯衛在三河縣治東南永樂二年建

營州右屯衛在薊州治北

營州中屯衛在平谷縣治東俱永樂二年建

寬河守禦千戶所在遵化縣治南洪武三十三年建已上屬

大寧都司

梁城守禦千戶所在寶坻縣東南一百四十里洪武三十三年建屬後軍都督府

附載府衛事宜

永樂十八年十一月以明年定行在為北京令兵部尚書擬軍衛事宜於是行在左軍都督薛祿掌北京行後軍都督府其簿書宜付後軍都督府承掌印送禮部銷夜巡銅牌門禁鎖鑰付中軍都督府掌出關勘合令中軍都督府編置兵部公同用印送印綬監收別置文簿付各關為驗凡出關者通

政司具奏赴印綬監填給勘合照驗金吾左等十衛已為親軍指揮使司其行移并守衛官軍俱合依南京上十衛例其各衛官軍今在南京及行在衛分者俱合取入原衛上直守衛南京留守五衛每衛改官軍一半來北京開設留守五衛仍屬五府分守城門及更番點閱皇城四門北京牧馬千戶所候調南京軍至併之常山三護衛見在北京其文移合依安東中護衛例

### 守衛金牌

金牌之制以銅為之塗以金高一尺濶三寸以仁義禮智信為號仁字號上鈹飛龍盤雲花公侯伯都督佩之義字號鈹



伏虎盤雲花指揮佩之禮字號釵獅身盤雲花千戶鎮撫佩之智字號釵獅子盤雲花百戶所鎮撫佩之信字號釵盤雲花將軍佩之二面俱有篆文一曰守衛一曰隨駕守衛官員懸帶此牌直宿不許借掛首仍為圓竅須以青絲絛俱掌於尚寶司凡公侯伯都督指揮千百戶鎮撫及將軍隨駕應直宿衛者許閑給佩帶下直則納之國朝將軍之設選軀體豐偉有勇力者為之號曰大武將軍立將軍千百戶總旗統屬其衆以年深者等而陞之凡早晚朝及宿衛扈駕俱執金鉞鐵甲佩弓矢冠紅纓鐵盔帽列侍左右如大朝會則披金甲金盔帽列侍殿庭俱有定數其有品秩者依品俸給與皆支

米二石若亡故子弟願代者驗有勇力方許民及人材投充者亦驗其可否而用之初隸拱衛揮使司後隸錦衣衛稱曰將軍

### 召募旗尉

校尉力士之設檢民間壯丁無疾病者為之力士隸旗手千戶所專領金鼓旗幟隨駕出入及守衛四門校尉隸供衛司專職擎執鹵簿儀仗及駕前宣召官員差遣幹辦三日一更直立總旗小旗以領其衆罷儀鸞司置錦衣衛罷旗手千戶所置旗手衛校尉隸錦衣力士隸旗手

### 衛所旗幟胖襖

駕前旗手衛用黃旗軍士力士俱紅胖襖盔甲之制如舊其餘衛所悉用紅旗紅胖襖凡胖襖長齊膝窄袖內實以棉花旗幟各分記號用青藍為邊玄黃紫白間色俱不許用

### 衛官職事

舊制每衛設指揮使一人指揮同知二人指揮僉事四人又設前後中左右千戶所以分領士卒京衛指揮朝退多不入公署蒞政事遇有責成互相推避遂命指揮使掌印同知僉事各領一所士卒有武藝不訓練器械不堅利皆責所領之官

### 京軍下屯

正統元年正月大學士楊士奇言國家歲用糧儲浩大皆仰給江南軍民轉運不勝勞苦況河道難通少有阻隔則糧餉不足實非長久之計今在京官軍祿多除操練造衣應用小餘者悉令於北京八府空閒田地屯種倘遇豐年必有積蓄可省南方轉運之費此實國家經久長策上命行在戶部兵部議行於是撥京軍三萬就近地方下屯

### 整飭禁兵

弘治十年十月兵部尚書馬文昇等奏臣觀歷代兵制不使權歸于一人漢制南北軍南軍護守皇宮禁衛之兵也各有所掌而南軍尤託之心腹其防奸之意嚴且密矣我朝有大

下法古為治制兵之法極其周悉故直十六衛親軍指揮使司不隸五府為禁兵即古之北軍也永樂中復設親軍指揮使司十二衛又選天下衛所官軍年力精壯者及邊外走回男子收作勇士常數千餘人俱屬御馬監更番上直委心腹山外官統領其盔甲器械俱異他軍成化以來禁兵漸至廢弛此外雖有將軍園子手不過於早朝侍衛退朝後即散回家其守衛皇城各門官軍疲弊尤甚乞令御馬監掌印內臣同提督勇士并騰驤四衛營太監將見在勇士并四衛操軍逐一揀選年力精壯者各若干名編次成伍并選老成頭目管領操常領在於御馬監分番上直仍勅皇城各門守門內

官各鈐東官軍搜檢出入從之

天府廣記卷之三十三

人物

同

左伯桃 羊角哀 戰國燕人二人為友聞楚王善待士乃同入

楚值雨雪糧少伯桃乃併糧與哀令往事楚自誠死於空樹

中哀至楚為上大夫乃言於楚王備禮以葬伯桃

田光燕太子丹欲終秦怨以問傅鞠武武曰燕有田光其為人

智深而勇沉可與謀太子曰願因太傅以交田光先生可乎鞠

武約田光同造太子太子遂迎卻行為導跪而蔽席田光坐

定左右無人太子避席而請曰燕秦不兩立願先生留意也  
田光荐所善荊卿太子曰願因先生結交於荊卿可乎田光  
曰敬諾即起趨出太子送至門戒曰丹所報先生所言者國  
之大事也願先生勿泄也田光俛而笑曰諾俚行見荊卿曰  
光與子相善燕國莫不知今太子幸而教之曰燕秦不兩立  
願先生留意也光竊不自外言足下於太子也願足下過太  
子於宮荊軻曰敬奉教田光曰吾聞之長者為行不使人疑  
之今太子告光曰所言者國之大事也願先生勿泄是太子  
疑光也夫為行而使人疑之非節俠也欲自殺以激荊卿曰  
願足下急過太子言光已死明不言也因遂自刎而死



秦

蔡澤燕人唐舉相曰先生曷曷巨有鬼顏變弱膝擊聖人不相  
殆先生乎澤知舉戲也問壽舉曰從今四十三歲澤曰吾持  
梁刺齒朮躍馬疾驅懷黃金之印結紫綬於腰揖讓人主之  
前富貴四十三年足矣遂入秦說應侯以四時之序成功者  
去數千言應侯因是謝病昭王召見與語大悅拜客卿尋拜  
為相後事始皇風燕太子丹入質於秦號綢成君  
衛滿燕人秦末中原多故滿起義擊破朝鮮遂自立為王都王  
險城再傳至孫右渠國咸

漢

蒯徹范陽人楚漢時說上有權變武信君常用其策降燕趙三

十餘城縣信用其計遂定葬地自序其說號曰雋永凡八十

一首

韓嬰燕人文帝時為博士推詩人之意作內外傳數萬言亦推  
易意為之傳武帝時與董仲舒論於上前仲舒不能難也孫  
商亦為博士

徐樂燕郡無終人武帝時上書其畧曰以為天下之患在於土  
崩不在瓦解賢王獨觀萬化之原銷未形之患其要期使天  
下無土崩之勢而已武帝召見曰何相見之晚也拜為郎中  
韓延壽燕人昭帝時以父義諫而死宜賞其子遂擢延壽為諫

太史公雖准陽潁川東郡太守延壽為史崇禮義好古教化所  
至今行禁止為天下法嘗行邑有兄弟相訟者延壽入卧傳  
舍閉門思過訟者兄弟皆自斃向祖謝二十四縣化之莫復  
以辨訟自言者

王尊涿郡人元帝時以都令遷益州刺史先是琅邪王陽為益  
州刺史行部至犍郫九折阪嘆曰奉先人遺體奈何歎東此  
阪後以病去及尊為刺史至其阪問吏曰此非王陽所畏道  
耶吏對曰是尊以其馭曰驅之王陽為孝子王尊為忠臣尊  
居部二歲懷來徼外吏民歸附

周堪文安人宣帝時論經石渠惟堪最高元帝時與蕭望之並

領尚書以師傅見尊重尋為石頭所諧皆免官建之自殺帝  
後哈乃摧堪為光祿勳遷太子太傅

東漢

寇恂上谷昌平人光武時偏將軍及定河南以恂有牧民御衆  
之才拜河內太守行將軍節復為潁川太守後潁川盜起恂  
從帝出征賊平百姓遮道曰願復借寇君一年乃得鎮撫封  
雍奴侯平國形雲臺

蓋延漁陽要陽人始與吳漢歸光武拜虎牙將軍從平河北有  
功累封安平侯自是後擊攻戰皆捷增封定食萬戶平國形

雲臺

王梁漁陽要陽人初為郡吏彭寵以梁守狐奴令與蓋延將兵  
從光武拜偏將軍後擢大司空擊亦有功入為河南尹封  
卓城侯

陽球漁陽泉州人舉孝廉補尚書侍郎遷司隸校尉時中常侍  
王甫等姦虐弄權觸動中外球奏收甫等送獄盡誅之泉州  
即今武清縣

盧植涿郡涿人剛毅有大節師馬融通古今官至尚書時董卓  
凌虐朝廷議欲廢立植獨抗議不同卓將誅之議郎彭伯曰  
盧尚書海內大儒人之望也今先害之天下震怖卓乃止兗  
植官遂隱於上谷

旧時無終人並卓之亂時率宗族及附從者數百人入徐無山  
中躬耕養親百姓翕然服其威信魏曹操北征署為司空戶  
曹掾後論功行封時亭侯固讓終不屈文帝即位高崎德義  
賜其從孫關内侯陶淵明擬古云辭家風嚴駕當往志無終  
問君今何行非商復非戎聞有田子春節義為士雄斯人久  
已死鄉里習其風生有高世名既沒傳無窮不學狂疑子直  
在百年中

崔篆涿郡人王莽時為郡文學以明經徵詣公車太保甄豐舉  
為步兵校尉篆辭曰吾聞伐國不問仁人戰陳不訪儒士此  
舉失為至哉遂投劾歸時篆兄發得幸於莽位至太司空乃

以策為建新大尹策不得已嘆曰吾生無妄之世值澆弊之  
君上有老母下有兄弟安得獨潔已而危所生哉遂單車到  
官三年不行縣門下掾倪敬諫策乃強起班春所至之縣獄  
并填滿策垂涕曰嗟乎刑罰不中乃陷人於罪此皆何罪而  
至遂理出二千餘人掾吏扣頭固爭掾曰郭文公不以一人  
易其身君子謂之知命如彼一大尹贖二十人蓋所願也遂  
稱疾去客居榮陽閉門潛思著周易林六十四篇用次吉凶  
多占驗臨終作賦以自悼名慰志焉

崔駰字季鴻也年十三能通詩易春秋博學有偉才善屬文少  
游太學與班固傳鼓齊名常以典籍為業時人譏其太玄靜

張顯揚雄解嘲作達官實憲辟顯為掾無稍權勢志顯數陳  
諍議不能容因出顯為長岑長遂不之官而歸永元四年舉  
所著詩賦銘頌書記表七休婚禮誌言達官酒斂合二十一  
篇

崔瑗嗣之中子也年十八至京師從侍中竇憲竇正大義違害  
待之瑗因留游學遂明天官曆數京房易傳六日七分諸儒  
宗之與馮異馬融南陽張衡特相友好辟車騎將軍閼閼府  
時閼太后稱制顯入奏政事先是安帝廢太子為濟陰王而  
以北鄉侯為嗣瑗以侯立不以正謂長史陳碑曰中常侍江  
京陳遵等以嬖寵惑亂先帝使廢黜正統扶立陳華今欲與



史氏其見說將軍曰太后收原等而廢少帝引立濟陰王必  
上當天心下合人望而禪未敢決會北鄉亮孫程立濟陰王  
是為順帝顯兄弟伏誅璵璠坐被斥門生蘓祗其知璵謀欲  
上書言狀璵聞而止之時陳璵為司隸校尉召璵謂曰弟聽  
祗上書彈請為之證璵曰此營猶見妾屏語非願使君勿復  
出口遂辭歸不從恩州郡命

崔寔乃璵之子也明於政體史才有餘論當世便事數十條名  
曰政論指切時要古辭而確仲長統曰凡為人主宜馬一通  
置之坐側

旧梁陽縣人仕魏自弋陽太守遷南陽盜賊屏迹郡內肅  
清後改為衛尉參議位不終乃曰年尚七十而居位營猶續  
鳴漏盡而夜行不休是罪人也因稱疾焉

盧毓植子少以學行見稱仕魏以黃門侍郎左遷典農校尉  
為民擇善美田百姓賴之遷安平侯平太守所在有惠化入  
為侍中擢吏部尚書遷舉務先性行而後才藝後封容城侯  
卒謚成

朱廣沛州人與關羽事漢昭烈嘗領巴西太守拜將軍封西鄉  
侯虎雖壯威猛與羽匹時稱萬人敵卒謚桓侯

徐邈蜀人仕魏武朝一日卓篤亭許昌問邈曰頗復中聖人不

選對曰昔子反斃於郢殺郢以罰於飲酒臣等聞二十不  
自斃時彼中之蒸指屈以配見傳而臣以辭見識帝大笑而  
左右曰君不處立選撫軍大將軍、雖明帝以涼州絕遠南  
接蜀寇以選為涼州刺史在官賞賜皆散與將士無入家昔  
婁子春食不充虛欽嘗著書稱選曰徐公志高行潔才博氣  
猛其施之也高而不捐潔而不介博而守約猛而能寬聖人  
以清為難而徐公之所易也或問欽徐公當武帝之時人以  
為通自為涼州刺史及還京師入以為介何也欽答曰王者  
毛孝先在季琰用事實清素之士於時皆變易車服以奉  
焉而徐公不改其常故人以為通比來天下奢靡轉相倣效

而徐雅曲自若不與俗同故前日之通乃今日之介也是世人之無常而徐公之有常也拜司空謚穆侯

簡簡雍冰郡范陽人性跌宕風儀俊將少與昭烈善昭烈至荊州雍為從事中郎力勸取成都遂為說劉璋歸命後拜昭烈將軍

徐禮冰郡人仕魏累遷大將軍揚州刺史所歷七郡五州皆有威信遷司空封大司徒卒謚景

晉

霍原廣陽人少有志力嘗讀京師黃子弟皆求一見同郡劉岱將舉之疾革敕其子況曰霍原慕道清虛汝當擇之隱大

湯山門徒百數及況為國大中正進原為司徒不就後與王  
幾以賢良徵亦不就

劉況蜀人博學好古仕至侍中在位敦儒道愛賢能嘗存用里  
人霍原及中里張華為時所稱重

張華范陽方城人學業優博圖緯方伎之書莫不詳覽贊伐吳  
功成封廣武侯華於儀禮憲章多所損並一時詔詰多所草  
定選為侍中中書蓋忠匡輔卒之日家無餘貲惟文史溢机  
篋耳所著有博物志

盧欽敏子篤志經史仕至吏部尚書進封大梁侯鎮鴻北寬猛  
得中入為僕射加侍中清貧高潔卒贈開府謚曰元所著詩

賦論雜數十篇姪孫湛善屬文為司空從事中郎嘗撰祭統  
註在于

陽為無終人父耽仕慕容氏官至東夷校尉驚器識湛遠始為  
平州別駕後獻安時強國之術後以太尉致仕性儉約常乘  
敝車齋馬及死無殮財

祖逖范陽人與劉琨俱為司州主簿夜同寢聞荒鷄鳴琨起  
曰此非惡聲也因起舞或中宵起坐謂琨曰若四海鼎沸豪  
傑並起吾與足下當相避於中原矣及京師大亂逖避地淮  
泗元帝乃以為奮威將軍豫州刺史逖渡江中流擊楫而誓  
曰祖逖不能清中原而復濟者有如大江辭色壯烈衆皆感

嘆

南北朝

盧玄范陽涿人魏太武辟召天下儒雋以玄為首授中書博士  
卒謚曰宣孫祖景明初以黃門侍郎出為徐州刺史善於撫  
綏人庶稱之五世孫潛事北齊為揚州刺史大樹風績陳主  
戒其邊將曰盧潛猶在卿且深備之

祖鴻勳范陽人父煥仕魏歷鷹門咸陽二郡太守有能名鴻勳  
幼有文思神武初徵作晉祠記累官至高陽太守在官清素  
時議高之

張弘策范陽方城人幼以孝聞遭母喪三年不食鹽菜梁武帝  
以為輔國將軍郢城平帝承勝直指建業弘策與帝意合城

平遣封檢府庫秋毫無犯後封洮陽縣侯

成景雋范陽人祖興魏五兵尚書父安樂淮陽太守梁天監中  
常恩和殺安樂景雋謀復驢人刺殺恩和及其子弟武帝  
義之不罪後每思報效為北豫州刺史時推其智勇兼有政  
績州人祠碑紀德卒謚忠烈

平恒蘭人祖視父儒並仕慕容為通宦恒耽勤讀誦不以婁室  
政操管換畧注合百萬餘篇徵為中書博士出為幽州別駕  
照貞寡迭不食嘗不足後遷秘書丞一時文儒皆推讓其博  
洽卒贈都昌侯謚曰康



鄒遵元涿郡人魏時為御史中尉執法清刻為時所忌遂遣為  
閩右大使平生好學歷覽羣書注水經四十卷

高閭漁陽雍奴人博通經史下筆成章魏自中書侍郎為中書  
令給事中凡詔令頌贊之類皆出其手其文章與高允相上  
下時稱二高

陽尼北平無終人博通羣籍仕魏為幽州中正孝文臨軒令諸  
州中正各舉所知尼與齊州大中正房千秋各舉其子帝曰  
昔有一祁名垂往史今有二奚當聞來牒

平蔡燕郡薊人祖延魏安平太守父勝安州刺史蔡少張敏有  
豪俠氣以軍功累遷襄州刺史齊神武起信都遷懷州築城

以防寇城內井竭鑿衣冠而祝泉即湧謚辛贈司空謚曰文  
子

盧辯范陽涿人博通經籍後周舉秀才為太學博士注大戴禮  
其兄景裕為當時碩儒謂辯曰昔侍中注小戴今汝注大戴  
庶纂前修矣累遷太子少保凡朝廷憲章輿法服金石律  
呂註刻渾儀辯皆創制之悉合軌度

張曜上谷昌平人仕北齊以清白稱歷官尚書右丞文宣近出  
令曜若守至夜還曜不開門催迫急甚須火至識面方開帝  
嗟賞之曜奉職恪勤性節儉祿賜輒散宗族好讀左傳卒贈  
右僕射謚曰貞簡

顧思道諱人仕北齊官至武陽太守操行文學為時所重文宣  
帝崩朝士皆作輓歌擇其善者用之時魏收祖孝徵輩止得  
一二首惟思道獨八首時稱為八米盧郎

周思達字安人後周文帝時累進爵為公兼尚書僕射時閔右  
草創禮樂缺然思達損益舊章儀軌稍備雖居顯職而謙退  
下人喜拔良士當時重之

鮮于世榮漁陽人沉敏有器幹仕北齊為太子太傅周武帝入  
代遣以賜璫酒鍾世榮得即碎之周兵入鄴諸將皆降獨破  
執不屈而死

慕容三藏燕人父紹宗北奔尚書左僕射三藏聰敏多武畧仕  
為鄆州刺史州人多逃逸三藏至招納安撫百姓襁負日至  
于邊為澶水丞漢王諒反抗節不從以賊節聞

張愷范陽人父柔魏中書監愷性孝友能為文仕至吏部侍郎  
出尚書左丞每有敷奏侃然正色雖逆意終不改其常

榮毗無終人自少剛鯁有局量仕為殿內監時華陰多盜楊善  
存毗為華州刺史素田宅多在華陰左右放縱毗以法繩之  
無所寬貸後為侍御史在朝正色百僚憚之

盧昌衡涿人思道從兄沈靜有才識博涉經史開皇初以尚書  
祠部侍郎出為徐州總管長史甚有能名吏部尚書蘇威稽

其時曰德為世表行為士則後累遷至儀同三司

祖君彥范陽人父孝徵北齊尚書左僕射君彥有才學大業末為東平郡書佐郡陷於翟讓因為李密所得密甚禮之署為記室凡軍書羽檄皆出其手

盧楚范陽人祖景祚魏司空亦楚性鯁直有寸畧仕至尚書左丞時與元文都同心輔政及王世充為亂或呼楚同去楚曰僕與王公有約社稷有難誓以俱死今捨去不義後被害

唐

魯吳蘭人仕至襄鄆節度使時襄漢賊起吳扼其衝南曼賴以完封岐國公

盧承慶思道孫范陽郡公赤松之子學博才辨累官至戶部侍郎太宗問歷代戶板承慶引據以對後為兵部尚書卒謚曰定弟承業為尚書左丞承泰為太子詹事

盧照隣幽州人高宗時與王勃楊炯駱賓王四人以文章齊名天下號為四傑

盧景亮涿州范陽人博學善屬文其文多根於忠仁有經國志舉進士官至右補闕以直諫名後遷中書舍人卒贈禮部侍郎

郭

張知謩幽州涿人兄弟五人知玄知晦知恭知默皆登明經高第武后朝俱為顯官曉吏治清介有守知謩歷十一州刺史

尤見重於時

盧藏用幽州范陽人喜屬文舉進士不利隱終南山長安中召授左拾遺武后作興泰宮上疏切諫歷官黃門侍郎尚書右丞左遷黔州長史藏用精著龜工草隸琴奕士貴其多能云

劉怱幽州昌平人初為范陽裨將積功至雄武軍使廣墜田節用度以辦治祿遷涿州刺史得衆心擢御史中丞封彭城郡公卒謚曰恭

盧鴻幽州人博學善書與其弟隱嵩山玄宗強之授諫議大夫不就李白詩二盧徵不起萬乘高其風

盧萊幽州人仕為給事中武崇訓死詔墓視陵制祭同執以為不可遂出為陳州刺史萊曰苟所論得行雖遠何憚

李寶臣范陽人善騎射肅宗時歸命封密雲郡公史朝義平摧

禮部尚書封趙國公遂有六州地雄冠山東卒贈太傅

李廷玉昌平人德宗時朱泚為幽州節度使謀不軌廷玉在幕

府不從被囚歲餘出之泚曰而亦悔乎廷玉曰導以為逆即

悔弛以忠義何悔之有復繫之問曰能省過否不爾且死對

曰不殺我公得名殺我不得名泚不能屈待之如初

盧羣范陽人仕為御史郭子儀家被訟德宗促按之羣奏子儀

有大功請赦勿問人謂其識大体卒贈工部尚書

陳利貞幽州范陽人初為平盧將從李光弼征安祿山累遷太



子賓客封爵我郡王李希烈叛利貞出奇兵橫擄賊鋒朱泚  
反麾下欲從亂畏其勇乃止德宗嘉之擢汝防禦使

高崇文幽州人七世不異居旌表門閭憲宗時崇文為左神策  
行營節度使劉闢以蜀叛卒討平之紀功于石子承簡為  
州刺史有惠政將吏立石頌功

高霞寓幽州人五世不異居以孝義聞嘗從高崇文擒劉闢有  
功拜彭州刺史

李景略幽州良鄉人李懷光為朔方節度使景略為大理司直  
時懷光欲襲東渭橋召幕府議景略曰殺朱泚伏策詣行在  
此轉禍為福之機也懷光不聽遂痛哭而出後拜豐州刺史

威令肅然回紇畏之卒贈工部尚書

賈島范陽人初為浮屠游東都韓愈教為火遂捨浮屠舉進士

為長江簿有詩名會昌初以普州參軍遷司戶

劉蕡昌平人明春秋能言古今興亡事擢進士第文宗時應賢

良方正對策專論親近嬖倖言極切直考官馮宿等畏中官

不敢取河南府參軍李邵曰蕡逐我留吾顏其厚耶上疏請

回臣所授以旌直臣不聽蕡後七年遂有甘露之難蕡貶死

柳州司戶後昭宗因羅象上言贈蕡右諫議大夫

李全忠范陽人仕為杖州司馬有蘆生其室一尺三節怪之以

問別駕張建曰蘆茅類生于宅茅上兆也傳節者其三世

平後果為宋推為留後拜鄴度使卒于匡威嗣之未幾次之  
匡時奪之尋敗

張允仲范陽人宣宗時為鄴度使累進中書平章封燕國公時  
徐州反出未五十萬斛盡二萬斛佐周用詔嘉之賜王帶寶  
器進無侍中卒贈太尉謚忠烈

張仲武范陽人會昌初為雄武軍使習戎事性忠義遷檢校工  
部尚書以破回鶻功進兵部尚書詔李德裕撰紀功碑以告  
後世累官檢校司徒中書平章卒謚曰莊

張說字道濟范陽人舉賢良方正景雲中帝謂侍臣曰術家言  
五日内有兵入宮蓋俗之說曰此紇人謀動東宮耳陛下以

太子監國則名分定奸慝破矣後果如說言官至左丞相封  
燕國公

五代

趙玉漁陽人嘗客滄州依卽度使呂克勤守光破滄州盡戮克  
勤屬克子琦年十四玉負之以逃至太原變姓名弓衣食以  
給琦仕後唐至兵部侍郎當時燕趙間以玉能存呂氏之  
孤翁然稱之

趙鳳幽州人少以儒學知名仕後唐為門下侍郎同平章事奏  
論皆坊時敵時有僧獻佛牙鳳請驗其真偽以斧破之應手  
而碎時宮中施物已及數千因鳳碎之乃止

李承約薊門人後唐明宗拜為涇州節度使見邠州節度毛瑋  
諭以禍福瑋從之明宗大喜遷點南節度使勸農桑興學校  
及去任點人乞留之累官至左衛上將軍

王思閭幽州人後唐明宗時為京兆尹西京留守潞王從珂叛  
檄諸郡思閭執其使後為從珂所執責曰罪可逃乎思閭曰  
非不知從王得生悲終死不能見先帝於地下從珂愧竟害  
之

盧遵范陽人後唐諫議大夫潞王叛以兵犯京師宰相馮道請  
導草牋勸進導固拒之

張希崇薊人少好學通左氏春秋仕後唐累官靈武節度使在

官不喜聲色善撫士卒招集夷落明宗屢詔褒嘉之

劉審交幽州人仕晉為三司使時有議者請檢天下民田以並  
租審交曰租有足額天下北年無闕田遂止民賴以下獲奉  
遽陳防禦使視民耕器薄陋乃取河北耕器為範為民更鑄  
之

危蒙幽州安次人自少以文學名仕周為右拾遺直史館知制  
誥時其從弟載為翰林學士兄弟並掌內外制時號二色米  
初蒙為學士丞寺卒贈右僕射所著有橫山集

危載蒙弟好學善屬文舉進士仕周為校書郎直史館嘗次歷  
代廢興治亂之迹為運源賦世宗善之拜為知制誥翰林學

士

竇禹鈞漁陽人祖遜玉田令父思恭棣州司馬禹鈞仕周累官  
諫議大夫嘗建書院延名儒以教遠近士及在官四方賢士  
賴以舉者甚衆由其門登貴仕者接踵

劇可久范陽人能明法令仕周為太子庶子與侍御史張浹等  
刪定刑統三十卷尋拜大理少卿在廷尉四十年用法平允  
以仁恕稱求初以光祿卿致仕

李襲幽州人祖傳正涿州刺史父瑛涿州從事襲幼好學涉獵  
史傳仕周累官太子洗馬嘗為安州防禦使為治寬簡民立  
石頌德宗初召為太子賓客以右驍衛上將軍致仕卒贈太

子少師

趙遠范陽人祖光鄴鄆州錄事參軍父簡章涿州司馬遠美風儀負才氣仕周累官吏部侍郎有公輔器未為尚書右丞有詩集二十卷子儼舉進士官至殿中丞亦有文集十卷

張藏英范陽人後唐本舉族為賊孫居道所害藏英襲殺居道以祭其父母時稱為孝子仕後周以刺史領遼任屢擊敗契丹世宗褒美之未初為瀛州團練使并護閬南軍

遠歸諱幽州薊人父退恩檀州刺史歸諱弱冠儒名仕周歷禮刑兵戶侍郎世宗聞其亮直擢為尚書右丞樞密直學士未初以戶部尚書致仕子定雍熙初進士



宋

張暉幽州大城人初仕後周治郡有狀從世宗征淮甸以功為都指揮使太祖時從征澤潞陷陣先登後征蜀督兵聞大敗聞路躬撫士卒人忘其勞

高彥暉漁陽人仕周為權階二州刺史太祖時從王師伐蜀為鄆州路先鋒全師雄作亂彥暉討之力戰而死太祖聞而痛惜之

劉蕡范陽人父昭下蔡令蕡博通文傳善為文後唐進士仕周累官至給事中太宗時知襄州尋以工部侍郎致仕嘗著左論曰為君為相為將去繇納諫為士流所倚子二宗言此部

郎中宗望景德二年進上

呂餘慶幽州安次人父琦石晉兵部侍郎餘慶重厚簡易事太祖以幕府舊僚奏領大政歷知數州開寶中為尚書左丞卒贈侍中

趙普幽州薊人父迺徙洛陽普沉厚寡言事太祖初為掌書記後拜相能以天下之事為己任又相太宗拜太師及卒追封韓王謚忠獻普初寡學術太祖勸以讀書自是手不釋卷每歸私第啟篋取書讀之乃論語二十篇也弟安易官至宗正子承宗歷知數州

馬全義幽州薊人十餘歲學擊劍善射騎初仕周以功累遷殿

前指揮使後太祖討李筠幾矢貫臂全義拔鐵臨敵士氣益  
銳遂克澤州累官至江州防禦使卒贈檢校太保

竇儀尚鈞子學問優博風度峻整累官禮部尚書太祖欲相之  
趙普忌其剛直阻之及卒太祖憫然曰天何奪我竇儀之速  
耶弟儀侃併傳與儀皆登第侃官至起居郎稱泰知政事儀  
左補闕子誥諱俱登第諡都官員外郎秘書丞

竇儀儀弟幼能爲文性夷曠好賢樂善累官禮部侍郎當將祠  
祀樂章宗廟謚號多其換定初以主客員外郎知制誥通儀  
自闕下入翰林兄弟同日拜命分右兩制時人榮之

劉審瓊范陽人初爲殿直從太祖平澤潞累遷軍器庫使太宗

時知澤州有便民之政徙知河陽年八十餘筋力不衰亮是  
黜黑孫興進士及第為秘閣校理

童遵謙范陽人太祖以西域近邊保守通達軍蕃漢悅附太祖  
嘗解所服盤龍衣賜之謂其外弟劉總曰吾委以方面故也  
趙贊幽州人初仕周累功授保信軍節度盡去苛政居民便之  
太祖時加檢校太師改鎮延州太宗立進封衛國公卒贈侍  
中贊知書喜吟詩客止則雅接士大夫以禮御衆使下域有  
方畧為時賢師

宋琪幽州人舉進士初仕漢周皆為幕官太祖時為左補闕太  
宗時累遷同平章事進右僕射卒謚惠安琪有文學尤通史

術為相日有求請者多面折之

山重進幽州人形質奇偉有武力太祖時累官至靖難軍節度使為人朴樸太宗在藩邸愛其忠勇使人遺以酒炙不受謂使者曰為我謝上我知有天子耳太宗即位謂其無私交終委遇之

李德忠涿州范陽人累官殿前都指揮使從太祖征太原中流矢力疾戰益奮太宗時累遷侍衛步軍都指揮使卒贈侍中呂端餘慶弟事太祖累官大理少卿太宗時為相初欲相端人曰端為人糊塗太宗曰端小事糊塗大事不糊塗竟大用後太宗崩內侍王繼恩與皇后欲廢太子而立楚王端聲色不

勳卒正真宗大位人稱社稷臣卒謚正忠子藩蔚藹皆仕於  
朝孫晦居開封登進士累官御史中丞

宋雄幽州人累官光祿少卿在官職務修舉公私倚任且涉獵  
經史負氣節與同郡宋琪齊名燕薊間時號二宋公

馬知節全義子以蔭補官真官時為樞密副使遇事敢言時王  
欽若為使知節薄其為人每廷議得其不直輒面詆之聞其  
厥者皆知其為正真云

張鑑藏英孫本將家能嗜學舉進士太宗時為侍御史真宗朝  
以工部侍郎出知廣州民脩其政蹟上請立石子士廉士宗  
士程皆仕於時

張佖燕人父昉殿中少監佖少有志節涉獵書史善騎射有方畧太宗時為利州轉運副使真宗時為益州鈐轄甚有威惠子宗象兵部員外郎

許驤蘭州人風骨秀異十三能文善詞賦初詣貢部與呂蒙正齊名擢進士官壁御史中丞用法寬恕時稱仁厚長者子宗壽微中丞

石延年幽州人為人跌宕任氣節為文勁健于詩最工善書仕至太子中允時天下不識戰者三十餘年延年請為二遣之備不報及元昊反始思其言

楊崇勳蘭州人祖守斌父全美皆官至指揮使崇勳知兵法及前代興廢事真宗時為群牧使仁宗時拜同平章事判定州

卒謚恭毅

邵雍范陽人年三十從父古徙居河南雍高明英邁於書無所  
不讀每尚友古人及見季之才聞性命之學乃自探赜索隱  
洞見天地運化古今事變萬物性情遂行宏義先天之旨著  
皇極經世諸書程子稱爲振古之豪傑也

張世傑范陽人少從張栻成杞有罪遂奔宋呂文德召爲小校  
累官至保康軍節度使知平江召入衛元兵至皋亭山遣使  
說降世傑斬其使及衛王駐崖山元將張弘範得世傑甥許  
使招之世傑不聽弘範攻崖山陸秀夫抱衛王投水死世傑



以小舟奉楊太后脫去欲求趙氏止之遇颶風世傑仰天嘆  
曰天不欲存趙祀則風復吞舟；遂獲

高瓊家世燕人事太宗真宗官至太尉曾孫女為宣仁皇后事  
英宗上在澶洲南城瓊請幸河北曰陛下不過河百姓如喪  
考妣馮極叱之曰高瓊何得無禮瓊曰君以文章為大臣今  
敵騎充斥無禮如此君何不賦一詩詠退敵騎耶上乃幸北  
城至浮橋猶駐輦未進瓊以所執撾策策夫背曰何不亟行  
已至此尚何疑上乃命進輦瓊執御轡曰此處好喚宰相吟  
兩首詩也

耶律儼析津人父仲禧為南院樞密使封韓國公仲禧本姓李  
遼主賜以國姓儼好學能詩且性廉介由進士累官參知政  
事後封涿水郡王卒贈尚父

韓延徽安大人少英邁涉獵經史累官崇文館大學士政事令  
中機務悉令裁決為佐命功臣封魯國公子德樞官至侍中  
封趙國公

韓知古玉田人善謀有識量仕至中書令時國初禮文疎濶知  
古援據典故參酌國俗為之由是遼國禮文可觀子匡嗣終  
西南招討使卒贈尚書令

室昉析津人幼謹厚篤學不出外戶者二十年會同初登進士

累官翰林學士遵主數延問治亂得失奏對稱旨後拜相整  
革黨弊無不言以故法度修明朝無異議

張儉宛平人端慤清儉不事外飾統和中進士第一為雲中廉  
官聖宗召訪世務儉條三十餘事累官至丞相封潯王

楊信析津人弱冠聲名藉甚統和中進士第一累官翰林學士  
文章號得休還吏部尚書門下平章事以進賢為已任事總  
大綱人人樂為之用所著有登瀛集

韓德諫知古孫重學有智畧明治體為政事令賜姓名耶律隆  
運後代室昉為北府宰相拜大丞相封齊王

馬得臣析津人博古能文尤長於詩累官翰林學士承旨時聖

宗學鞠無度得臣乃號唐貞觀間元勳事可法有教條以諫  
聖宗嘉納之卒贈太子太保

牛溫舒范陽人剛正尚節義進士為戶部使國民無足遽侮  
郎拜參知政事復使宋無泰國命還加中書令

楊哲安次人幼穎悟通五經大義太平中擢進士為著作佐郎  
累遷南院樞密使命總朝政請謁不行後封遼西郡王

楊繼良鄉人舉進士累官南院樞密使達王嘗召見詢及古今

治亂人臣邪正續曰何代無賢遇亂世則獨善於身遇明主

則兼濟天下陛下錄分邪正升黜分明天下幸也後封趙王

趙徽析津人舉進士累官翰林承旨嘗為武定軍節度使及代

去民上章請留後以南府宰相門下侍郎致仕卒謚文憲

劉仲完平人少以詞翰聞登進士累官大理卿明法而恕人以

不寬一日奏獄違主與近臣語不願仲進曰自古帝王重民  
命顧有臣奏違宗驚異後拜參知政事

王鼎涿州人博通經史時馬唐俊有文名適上己與鼎後視水  
濱因飲索禹賦詩鼎援筆立成唐俊驚其敏妙舉進士累官  
翰林學士當代典章多出其手

楊遵勗范陽人第進士累官北府宰相遵勗一日五行俱下火

事如流其在樞府政無填委卒謚康懿

張潛遊學海內精於周易廉介不樂仕五十始娶鄉里皆慕其

賢有饋以瓜田者辭不受

金

薛企先知古九世孫累官尚書右丞相博通經史知前代故事  
一時禮制咸折衷得且專以培植獎勵后进推轂士類甄別  
人物為已責世稱賢相卒封齊國公謚簡懿

程棗析津人第進士累官至翰林侍講學士嘗上疏言事以追  
崇祖宗慎選賢才舉巡狩立紀綱為務平生剛介不諂權貴  
有古君子之風

韓昉燕京人天慶初進士第一官至翰林學士禮部尚書奉知  
政事封鄆國公昉性仁厚善屬文長於詔冊嘗作太祖睿德  
神功碑當時稱之子汝嘉第進士累官翰林侍讀學士有詩

名

梁斗南良鄉人第進士累官至河南都運性穎悟讀書精熟尤喜作詩有幹局長於吏事能剖繁治劇時革服其通敏二子敬恭敬左司郎中恭仕元為中書平章政事

劉仲誨宛平人父彥宗累官平章事仲誨官至太子少師兼御史中丞立朝峻整容色莊重世宗嘗曰朕見劉仲誨常若將切諫者其以剛嚴見重如此

劉徽永安人第進士為洪洞令明敏善聽斷秩滿縣人遮遮不得去者彌日為立生祠刻石頌德後遷同知河東南路轉運使以廉第一人為大理少卿



孫即康析津人八代祖延應遼涿州刺史曾祖克構檢校太傅  
即康大定中第進士累遷吏部左司郎中后拜平章政事封

### 崇國公

賈少冲通州人勤學日誦數百千言第進士累官左補闕嘗使  
宋方有新請金玉諭以意少冲曰臣有死無辱宋別致珍  
異少冲笑曰行人受賜自有常數寧敢以賂辱君終不受便  
遂世宗嘉之遷右諫議大夫子益亦舉進士累官太常卿  
丁瑞仁宛平人冲鴻寡慈好學無倦舉進士調武清縣丞立學  
校召俊秀子弟教之遷和川令先是羣小越法肆仁申明法  
禁奸吏屏息累遷陝西轉運使

巨構平谷人第進士累遷橫海軍節度使寬厚廉慎所治以鎮  
靜稱世宗嘗曰巨構外淳質而內明怡鮮有及之者

閻公貞宛平人第進士為朝邑主簿以察廉陞同知亳州防禦  
事累遷翰林侍讀學士公貞居大理幾十年詳審周密未嘗  
有過舉被命校定律令多所是正金人以為法家祖云

王倫涿州人第進士歷知霸州及大興府性剛毅臨事果斷吏  
民辟其威累遷至戶部侍郎承安間大興知府缺金主諭宰  
臣曰可選極有風力如倫者為之

高昌福宛平人父履遼御史中丞昌福辟河南元帥府令吏時  
宗弼復元帥治汴人有疑似被獲皆目為宋謀者殺之昌福

繼得寔得古者甚衆崇遷東京留守事治最速山東西路轉運使工部尚書

上蔚唐河人性通敏晚析吏事皇統進士調良鄉丞治績優等起拜河東北路轉運使廉察為時第一後以尚書右丞致仕馬忠迪遼陰人天德中進士調昌邑令廉察第一崇遷左司直郎中世祖稱其聰明朴寔拜參知政事

馬瑛寶坻人正隆進士為永清令以治聞累遷戶部尚書世宗稱其明敏上不欺國下不害民後拜參知政事

韓玉漁陽人曾祖錫濟南人玉以經義詞賦兩科進士入翰林為應奉應制一日百篇文不加點嘗作元勳傳章宗嘆曰點

出何卒得此石以建言開潞水清渠船運至都陞同知陝西  
東路轉運使

王嶽玉田人父礪金初名士官至歸德府判官嶽第進士官至  
中都路都轉運使大學政事為特所稱卒謚文貞所著有拙  
軒集北邊錄

高士諤燕人家富國籍與字允虛中友善仕至翰林直學士所  
著有蒙城集

王師楊大興人父務崇官吏部尚書師楊南渡時居崧山博涉  
羣書終日閉戶默坐雖同輩罕見其面時號閉戶先生

傅霖玉田人第進士官至崇義軍節度副使行部臨潢沒於

兵于類之亦第進士授滎陽令元兵壑境輔抗節不屈而死  
馬有龍兒平人少有龍賦聲初在太學嘗辭名將從坦殺人之  
寃時論議之后德順受閩州將假有龍鳳圖刊官守禦一委  
仕之受攻百日食盡乃陷逆遇害詔配食後忠廟

杜時昇霸州信安人博學知天文宰相荐其可大用時昇察天  
文時事有亂亡逃隱居嵩洛山中以伊洛之學教人子瑛亦  
隱猷氏山盡讀諸書教授汾晉間元初瑛聘不就所著述甚  
富卒贈魏郡公謚文獻

李寔寶坻人粗知書善騎射輕財好施貞祐間與弟雲率義兵  
巡邏固安永清間充義兵都統累立功遷防禦使賜姓完顏

后為京兆安撫使

王毅大興人第進義進士累官東明令貞祐末城破率眾抗戰  
力窮被執歸人王八欲降之毅厲聲曰忠臣不佐二王驍毅  
者以刀斫其腔不屈而死

張天綱霸州益津人累官監察御史以鯁直聞后遷御史中丞  
權泰知政事從哀宗遷蔡州城破為眾所獲輜車械全臨安  
有司令供狀迫書金主天綱曰殺即殺焉用狀為竟書故主  
而已有司不能屈

趙貞字景道大定末舉進士不第隱居燕城南教授為蔡明昌  
間金主璟遊春水聞弦誦聲幸其齋舍見壁間題詠賞其志

遷召至行殿命之官固辭賜田十畝復之終身卒年八十五  
元

張子良涿州范陽人金末四方兵起燕薊閒耕稼已絕子良聚  
州人阻水治舟筏取蒲魚自給從之者衆乃部勒就食東平  
時金受重圍於汴有國用安者圖入投子良為入汴達意金  
君臣以為自天降也及金亡乃歸元太宗時累官大名路總  
管兼府尹卒追封清河郡侯

耶律楚材東州王欲之后王子婁國為燕京留守徙居于燕  
七傳而生履生楚材博究羣書天文地理律曆術數釋老  
醫卜靡不通身長八尺美髯弘聲元太祖指楚材語太宗曰

此人天授軍國庶政悉委之東邛有一角獸作人言問楚材  
曰此瑞獸名角端好生惡死帝即日班師條便宜十八事又  
奏十路課稅法用士人掌之汴梁城因大將請屠其頑民楚  
材奏得地無民將焉用之帝議裂地封勛感楚材曰裂土分  
民易生嫌隙不如多與金帛或諧楚材為相貪財后令人視  
之惟琴書遺丈而已楚材正色立朝不為勢屈每陳國家利  
病生民休戚辭色懇切太祖嘗曰汝又欲為百姓哭耶楚材  
每言興一利不如除一害生一事不若減一事人以為名言  
晚號玉泉老人卒謚文正所著有湛然文集皇極經世義曆  
說乙未元曆回鶻曆



原希憲畏兀人遷居燕京父布魯海牙拜廉使適希憲生遂姓  
廉篤好經書一日方讀孟子聞召因懷以進上問其說希憲  
因以性善義利仁暴之旨進講上善之目為廉孟子及為相  
世祖諭之曰吏廢法而貪民失業而逃工不給用財不贍費  
先朝患此久矣自卿等為相朕無此憂對曰陛下聖猶堯舜  
臣等未能以臯陶稷契之道贊輔治化慄愧多矣今日小治  
未足多也時尊禮國師命希憲受戒對曰臣受孔子戒為臣  
忠為子孝是也鎮江陵米官致珎玩悉拒不受興學舉賢重  
義輕財家無餘貲帝賜白金五十兩子六人學恪而忱恒惇  
皆貴顯

却經其北潞州人后徙霸之信安元世祖既立經以待讀學士  
充國信使、衆告即位經入辭賜蒲萄酒曰朕初即位庶事  
草創卿遠行凡可輔朕者亟以聞經奏使且十六事王文統  
素忌經陰諷李燾潛師侵宋欲假手害之經至濟南燾以書  
止經、以壇書聞而遠行賈似道方以却敵為己功恐經至  
謀泄拘館之真州經求宋主言願附魯連之義排難解紛非  
如唐儉之謀款兵誤國又數上書極陳戰和利害請入見及  
歸國皆不報驛吏棘垣鑰戶晝夜嚴警苦之以動經、不屈  
諭其下曰嚮受命不進我罪也一入宋境死生進退聽其在  
彼我終不能屈自辱命汝等宜堅忍待之然我觀宋祚殆非

久矣汴中民射鴈金明池于鴈足得繫帛書有詩云霜落風  
高恣所如歸期回首是春初上林天子授弓繳窮海紫臣有  
帛書蓋絰在真州時書也于是乎有襄樊之役六年而後克  
咸淳末命中書平章軍國重事史天澤左丞相伯顏帥師南  
伐宋遣使問宋執行人侵邊之罪宋懼遣總管段佑以禮送  
信使絰歸道病勅尚醫近侍迎勞至闕錫燕咨政事賞賚有  
加禮無何卒謚文忠絰素與保定劉因相善因嘗言宋不宜  
伐絰每言於世祖世祖然之遂奉使入宋及被留因恐禍及  
著渡江賦非本懷也

何巨川大都人為長春宮道士會世祖將伐宋乃上疏抗言宋

未有可伐之罪世祖奇之時學士郝經亦上疏言宋不可伐  
乃命經為國信使以巨川副之使江南巨川歿于真州至正  
間詔追贈二品官彼時人曾以詩悼之曰奇才不泚神仙事  
抗疏曾于世祖知每恨南邦本無罪比留北使欲何為忠魂  
久掩孤城館衆詔新鑄二品碑地下若逢奸似道為言故國  
黍離

趙良弼贊皇人世居燕京仕為元秘書監其父殺乃金之都度  
使與元戰敗不屈怒罵以死其子姪皆以戰敗死國事良弼  
請於世祖曰臣家世仕金源死事者四人嘗欲紀其行寔以  
事在前朝無裨聖代造次未敢謹昧死上聞乞聖慈矜憫上

曰人臣各為其主各忠於事雖在前朝亦朕心所嘉況有賢  
子為吾蓋臣何嫌何疑不以立石哉命中書省傳旨翰林學  
士王磐撰文刻於其家廟

杜瑛霸州人隱居河北世祖南伐至相召與語奇之中統初詔  
徵之左丞張文謙奏為河北路提舉校官瑛遵執政書曰先  
王之道不明異端邪說害之也橫流奔放天理不絕如線今  
天子神聖俊乂輻輳言納計用先王之禮樂教化興明修復  
維其時矣存夫簿書期會文法未御漢唐猶不屑也執事者  
固陋就簡此焉是務良可惜哉夫善始者未必善終今不能  
溯流窮源明法正俗育材興化以拯數百千年之禍僕恐后

目之獎將有不可勝言者矣不就

涇陽良鄉人金進士入元以名儒徵領燕京編修所事卒謫通  
獻先生

石大麟順州人好學不倦習諸國書諳初事太宗為斷事官佐  
耶律楚材登正庶務憲宗時遣使海都被拘二十八年始得  
還世祖加以官以奉使無狀國辭后累官至平章政事卒年  
九十二追封冀國公諡忠宣子珪官至兩臺御史中丞次子  
懷都刑部尚書

王伯勝文安人為遼陽等處行中書省平章政事治懿州增郡  
學弟子員擇師教之及度開田募民耕種以糜餼之名拜大

都司守遼陽民逆留不報皆涕泣而去及卒追封荊國公于  
愐官至兵部尚書

上利用通川路人世祖微為太子賓客首以敬天法祖孝親仁  
民十餘事為勸帝嘉納之原希憲嘗語人曰方今天章政事  
無格者利用其人也

洪德珪良鄉人仕至參知政事奏對無不稱旨世祖怪州縣因  
數過多德珪對曰當國者急于徵索蔓延收繫以歛此耳世  
祖感怡因大赦

史天倪永清人少好學仕至兵馬都元帥每受命征伐皆不戰  
而克于輯為真定路總管有善政民皆德之李子權為河南

等路宣撫使兼陳征南之策世祖壯之

史天祥天倪從兄仕世祖朝累官副都元帥每征伐不嗜殺人  
憂國愛民之心老而不忘于彬為江東提刑按察副使

史天澤天倪弟累官光祿大夫右丞相平君若無能為者及臨  
大節論大事毅然以天下之重自任出入將相踰五十年主  
上不疑下民無怨人以方郭子儀曹彬云子格梓杖扛杞梓  
構皆拜顯官

朱國寶，抵人仕至海北海南宣慰使所至立官程吏獎政訓  
兵息民具有條制夷民咸畏服之世祖慰勞再四進輔國上  
將軍都元帥



張世澤昌平人祖授郡率衆附太祖留備宿衛屢立戰功父忙古台從憲宗入蜀又從征策贊爲行軍千戶討失石堡樓而不沮世澤從伯顏南征大小十餘戰皆有功又從平廣西崇遠副萬戶

李德輝通州潞人性極孝友操履清慎仕爲太原路省左丞招降羅施昆國及辛蠻夷開計哀哭之如私親至爲位而祭及立廟祀之

張九思宛平人以工部尚書兼詹事府丞力舉名儒上黨永道保定劉因曹南夾谷之奇東平李謙分任東宮官屬時稱得人累官平章政事加太司徒子金界奴河南省右丞

張禧東安州人父仁義為管軍元帥攻歸德戰歿禧從大將南  
征世祖時累官至都元帥時議征日本禧即請行子弘綱從  
父攻城徇城屢有功官至左丞及卒追封齊郡公謚武宣  
邾邾蜀州信安人仕至戶部尚書常以天下轉輸商旅市易之  
不如法者著為定制請行使並天下仁宗時為大司農

劉德溫大興人仕為大都路總管府事時草創之下供給沃饗  
德溫措置有法民用不擾后轉永平路總管為政二年戶口  
增倉廩定興學育才為時良吏

張榮定朔州保定人父進金季封北平公守信安城榮從大  
將南征新宋呂文信平李璘擒慕容佑皆有功累官湖北道宣

愬使詣路水軍萬戶及卒子王襲職討叛賊有功加為都元帥  
曾德漁陽人宗聖公五十七代孫母早亡父仲祥再娶左氏携  
游襄陽者焉時兵陷襄陽失左氏德徧求南土得於廣海奉  
迎歸養終身

吳昭燕人仕至禮部尚書至大初為保定路總管時太后欲幸  
五臺言者謂間保定西五里嶺以取捷徑禹言其不便乃止  
后為京畿漕運使卒追封荊國公諡孝敏

盧摯涿州人仕至翰林學士博學有文思元初稱能詩者必以  
劉因盧摯為首所著有疎齋嘗書一天字下註云有記性無  
急性謂之一字銘

縣于極漁陽人少為郡吏后以材選為御史大夫據意氣豪爽  
晨出載筆憤與其長廷爭是非一語不合輒欲棄去日晏歸  
其者夫漸收出奏陳諸凡靡搜抉斯文靡欲客至則相對為  
說吟賦或命觴徑醉中讀孟自刻苦讀書因號困學卒官太  
常典簿

宋本字誠夫京師人從父官江陵江陵上全文明性命義理之  
學本質所得造詣日深年四十始選燕坐治九年以進士第  
一人及第官至集賢直學士燕園子孫酒誼筵性高抗不屈  
特論堅正制行純白不可干以私篤於朋友之誼尤以植立  
斯文自任歷仕通顯猶儼屋以君及卒執紼者近二千皆門

生故史及國子諸生時人榮之誠夫工于小隸有文集傳世  
梁有字九思世居幽州不求聞達教授生徒百餘人奉母至孝  
天啓間奉勅河南北錄金石刻三萬餘通上集其副本類為  
二百卷曰文海英潮又修續列仙傳二十卷

高克恭字彥敬其先自西域來僑居房山善寒林墨竹題文敏  
侯大靖二公坐稱之官至尚書世目為高房山

王倚範平人讀書務躬行不第章句世祖遜倚倚東宮有詔皇  
太子裁決天下事凡時政民瘼倚知無不言后拜工部尚書  
以疾辭職給太子家丞祿優養之及卒追封太原郡侯謚忠肅  
李衍薊丘人號息齋通人博學多通官至浙江行省平章政事

辛謐文簡行書竹石窠木所著竹譜今傳士士行官至黃岩知州竹石得家學尤善山水

趙師魯父安人秘書少監誥之子初補中書省掾典章法度無不諳習及興鉉述人服其公泰定間拜監祭御史勸帝修舉郊廟大禮元夕帝命有司張鐙山為樂師魯力諫止之卒謐文靖

朱杞大都人年十九父卒號泣絕而復甦水漿不入口者三日迺哀成病杞有繼母自度不起囑其妻楊氏曰汝善守志事吾母遂卒楊遺腹生一男人謂孝感天不絕其嗣泰定中旌其門

李士瞻東安人爲翰林學士丞旨封楚國公嘗使閩適海酋據  
福州城王師攻之不下士瞻以禍福相諭首遂出降閩人立  
祠祀之有經濟集子延興官至翰林檢討元亡隱居不仕河  
朔學者多從之以師道尊于北方雄縣房山涞水永清各縣  
競聘之攝其鄉學人稱廣文先生不稱故翰林明初學官總  
郡邑長吏推擇名碩爲之所著有一山集

曹鑑宛平人累官禮部尚書在官三十餘年以清介見稱天性  
純孝通五經爲詩賦尚騷雅爲文法西漢每篇成學者爭相

傳誦

何失昌平人負才氣能詩文至正間名公交荐之以親老不就  
搗奚斯嘗推重云心事巢由上文章陶阮間虞集見其所作  
嘆曰當序而傳之便后之作亦知世有斯人